



## **XALQ DEPUTATLARI TERMIZ TUMANI KENGASHINING QARORI**

191200, Termiz tumani At-Termiziy ko'chasi 1-uy, tel:(376)36-32-200, faks: (376)36-32-200

2022 - yil 19 - oktabr

VI-46-152-8-117-K/22

Termiz tuman hokimligi

### **Tuman budjeti mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risidagi namunaviy nizomga o'zgartirish va qo'shimchalar kiritish haqida**

Mahalliy budjet mablag'larining jamoatchilik fikri asosida shakllantirilgan tadbirlarni moliyalashtirishga yo'naltirilishi ustidan parlament nazoratini yanada kuchaytirish, tashabbusli budjet jarayonining ochiq va oshkoraligini ta'minlash maqsadida Xalq deputatlar Termiz tuman Kengashi

#### **QAROR QILADI :**

1. O'zbekiston Respublikasi Oliy Majlisi Senati Kengashining 2022-yil 20-sentabrdagi "Tuman (shahar) budjetlari mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risidagi namunaviy nizomga o'zgartirish va qo'shimchalar kiritish haqida" № KQ-406-IV-sonli qarori ma'lumot va ijro uchun qabul qilinsin.

2. Xalq deputatlar tuman Kengashining 2021-yil 26-maydagi "O'zbekistyon Respublikasi Oliy Majlisi Senati Kengashining 2022-yil 26-yanvardagi KQ-302-IV-sonli qarori asosida Termiz tumani budjeti mablag'larini jamoatchilik fikri asosida shakllantirilgan tadbirlarga yo'naltirish tartibi to'g'risidagi nizomga o'zgartirish va qo'shimchalar kiritish haqida"gi VI-44-120-8-117-K/22-sonli qarori bilan tasdiqlangan Nizomga ilovaga muvofiq o'zgartirish va qo'shimchalar kiritilsin.

3. Tuman hokimligi Axborot xizmati (G'.Bo'riyev) va "Janub quyoshi" gazetasi bosh muxarriri (D.Normurodov)ga Xalq deputatlar tuman Kengashining

2022-yil 1-avgustdagi “O‘zbekiston Respublikasi Oliy Majlisi Senati Kengashining 2022-yil 26-yanvardagi KQ-302-IV-sonli qarori asosida Termiz tumani budjeti mablag‘larini jamoatchilik fikri asosida shakllantirilgan tadbirlarga yo‘naltirish tartibi to‘g‘risidagi nizomga o‘zgartirish va qo‘shimchalar kiritish haqida”gi VI-44-120-8-117-K/22-sonli qarori bilan tasdiqlangan Nizomga kiritilayotgan o‘zgartirish va qo‘shimchalar to‘g‘risidagi ma’lumotlarni keng jamoatchilikka muntazam ravishda yetkazib berish tavsiya etilsin.

4. Mazkur qarorning ijrosini nazorat qilish Mahalliy budjetni shakllantirish va ijro etish, iqtisodiy isloxlarni amalga oshirish va tadbirkorlikni rivojlantirish masalalari bo‘yicha doimiy komissiya (L.Karimov) zimmasiga yuklatilsin.

**Termiz tumani Xalq deputatlari  
Kengashi raisi**



**Urinov.SH.B**

Xalq deputatlari Termiz tuman  
Kengashining  
2022 yil 19 oktabrdagi  
VI-46-152-8-117-K/22-son qaroriga  
1-ilova

**Tuman budjeti mablag‘larini jamoatchilik fikri asosida shakllantirilgan  
tadbirlarga yo‘naltirish tartibi to‘g‘risidagi nizomga kiritilayotgan  
o‘zgartirish va qo‘shimchalar**

Xalq deputatlar tuman Kengashining 2021-yil 7-iyundagi “Termiz tuman mahalliy budjet mablag‘lari sarflanishda jamoatchilik ishtirokini ta‘minlash to‘g‘risida”gi 179/VI-31-sonli qarori bilan tasdiqlangan Nizomga quyidagi o‘zgartirish va qo‘shimchalar kiritilsin:

1.1-band quyidagi tahrirda bayon etilsin:

“1. Mazkur Namunaviy nizom tuman budjeti mablag‘larni jamoatchilik fikri asosida shakllantirilgan tadbirlarga yo‘naltirish, shuningdek, “Ochiq budjet” portali orqali jamoatchilik fikri asosida shakllantirilgan tadbirlarni moliyalashtirish tartibini belgilaydi.”;

2. 2-band quyidagi tahrirda bayon etilsin:

**jamoatchilik fikri** - ushbu Nizomda belgilangan tartibda fuqarolar tomonidan tuman tumanda mavjud ijtimoiy ahamiyatga ega muammolarni hal etishga qaratilgan ishlarni (xizmatlarni) mazkur hudud mahalliy budjeti mablag‘lari hisobidan moliyalashtirish bo‘yicha bildirilgan takliflar;

**tashabbusli budjet jarayoni** – “Ochiq-budjet” axborot portalida (keyingi o‘rinlarda – Portal) jamoatchilik fikri asosida tadbirlarni shakllantirish, ularni saralash va ovoz berish jarayoni doirasida g‘olib loyihalarni aniqlash hamda tuman budjeti mablag‘lari hisobidan moliyalashtirishni o‘z ichiga olgan jarayon;

**g‘olib loyiha** –Portalda ovoz berish jarayoni yakunlariga ko‘ra to‘plangan ovozlar soni asosida avtomatik tarzda tanlab olingan loyiha;

**fuqarolar tashabbusi jamg‘armasi** – tuman hokimligida budjet tashkilotlarning budjetdan tashqari jamg‘armalari shaklida ochilgan shaxsiy g‘azna hisob varag‘i;

**loyihalarni amalga oshirish xronologiyasi** – tashabbusli budjet jarayoni doirasida g‘olib deb topilgan loyihalarni amalga oshirishning barcha bosqichlarni

Portal orqali bevosida fuqarolarga kuzatib borish imkoniyatini beruvchi maxsus bo'lim;

ishchi komissiya – jamoatchilik fikri asosida shakllantirilgan tadbirlarni baholash, tanlab olish hamda ijrosini monitoring qilish bo'yicha tuman hokimligi qoshida tashkil etilgan komissiya;

**onlayn murojaat** – Portalda fuqarolar tomonidan savol, shikoyat, taklif yoki qonun buzilish holatlari yuzasidan xabar qoldirish imkoniyatini beruvchi maxsus sahifa.”;

1. Quyidagi mazmundagi 2<sup>1</sup>, 2<sup>2</sup>, 2<sup>3</sup>, 2<sup>4</sup> va 2<sup>5</sup>-boblar bilan to'ldirilsin:

**“2<sup>1</sup>-bob. “Ochiq budget” axborot portali orqali jamoatchilik fikri shakllantirilgan tadbirlarni moliyalashtirish tartibi.**

30<sup>3</sup>. Fuqarolar (keyingi o'rinlarda - Jamg'arma) mablag'lari faqat Portal orqali g'olib deb topilgan loyihalarni moliyalashtirish uchun sarflanadi. Bunda loyihada nazarda tutilgan tadbirlardan tashqari ushbu tadbirlarni amalga oshirish bo'yicha rasmiylashtirilishi lozim bo'lgan hujjatlar (tegishli tashkilotlarning xulosalari, yakuniy ko'rikdan o'tkazish xarajatlari va boshqalar) uchun ham to'lovlar moliyalashtirilishiga yo'l qo'yiladi.

30<sup>4</sup>. Jamg'arma mablag'laridan foydalanish tegishli xalq deputatlari tuman Kengashi qarori asosida amalga oshiriladi.

30<sup>5</sup>. Loyihalarni ko'rib chiqish va amalga oshirish bo'yicha buyurtmachi tashkilotlar 7-ilovasiga muvofiq tarzda belgilanadi.

30<sup>6</sup>. Tashabbusli budget jarayoni doirasida fuqarolar tomonidan kelib tushgan loyihalar Ishchi komissiya tomonidan Portalga kelib tushgan kundan boshlab 10 kun ichida mazkur Nizomning 7-ilovasiga muvofiq loyihaning mazmunan tegishlilik bo'yicha buyurtmachi korxonalariga (keyingi o'rinlarda buyurtmachi) yuboriladi.

30<sup>7</sup>. Buyurmachilar tomonidan loyihalar qabul qilingan kundan boshlab 10 ish kunida qonun hujjatlarida belgilangan mezolarga muvofiqligi yuzasidan loyihalarni ko'rib chiqadi va Ishchi komissiyaga loyihalarni qabul qilish (loyihaning qiymati va amalga oshirish uchun talab etiladigan qo'shimcha hujjatlar ro'yxatini ilova qilgan holda) yoki asoslantirilgan holda rad etish yuzasidan xulosa taqdim etadi.

30<sup>8</sup>. Ishchi komissiya loyihalarni buyurtmachilar tomonidan taqdim etilgan xulosalar asosida ovoz berish bosqichiga o'tkazadi.

30<sup>9</sup>. Ovoz berish bosqichi yakunlariga ko'ra loyihalarga to'plangan ovozlardan sonidan kelib chiqib, Portal tomonidan avtomatik tarzda "g'olib" loyihalar ro'yxati shakllanadi.

30<sup>10</sup>. Tashabbusli budjet jarayoni doirasida ovoz berish bosqichi yakunlangandan so'ng 7 kun muddatda "g'olib" deb topilgan loyihalarni moliyalashtirish yuzasidan Ishchi komissiya tomonidan halq deputatlarni tuman Kengashiga qaror loyihasi kiritiladi.

30<sup>11</sup>. Qaror loyihasiga g'olib deb topilgan loyihalarni moliyalashtirish yuzasidan "Manzilli ro'yxat" ilova qilinadi.

Manzilli ro'yxat quydagilarni o'z ichiga oladi:

- g'olib deb topilgan loyihaning Portaldagi xos "ID" raqami;
- amalga oshiriladigan tadbirlarning aniq manzili yoki balansda saqlovchi korxonaning manzili va nomi;
- loyihada nazarda tutilgan amalga oshirilishi lozim bo'lgan tadbirlarning qisqacha mazmuni;
- tadbirni amalga oshirish uchun talab etiladigan dastlabki mablag' qiymati;
- loyihani amalga oshirish uchun buyurtmachi etib belgilangan korxonalar;
- loyihani amalga oshirish uchun talab etiladigan qo'shimcha hujjatlar (binolarni qurish uchun ekspertiza hujjatlari, hokimning yer ajratish to'g'risidagi tegishli qarori, loyiha-smeta hujjatlari va boshqalar);
- agar tadbir bevosita tovar va moddiy qiymatliklar (xizmatlar)ni xarid qilish bilan bog'liq bo'lsa, ushbu loyihalar bo'yicha mazkur Namunaviy nizomning 8-ilovasiga muvofiq shaklda xarid qilinadigan tovar (xizmatlar) reestri (keyingi o'rinlarda - Reestr) ilova qilinadi. Bunda reestrda ko'zda tutilgan xaridlarning jami summasi Manzilli ro'yxatda tegishli loyihani moliyalashtirish uchun ko'zda tutilgan mablag'dan ortib ketishiga yo'l qo'yilmaydi;
- xarid qilish tartib-taomili turi (elektron do'kon, boshlang'ich narxni pasaytirish uchun o'tkaziladigan auksion, eng yaxshi takliflarni tanlash, tender va boshqalar).

30<sup>12</sup>. Manzilli ro'yxat belgilangan tartibda rasmiylashtirilishi, jumladan, buyurtmachi tashkilotlar to'g'ri tanlanishi, Reestr to'g'ri shakllantirilishi, xarid

qilish tartib-taomili turi va loyihani amalga oshirish aniq manzili kabi ma'lumotlar to'g'ri ko'rsatilishi uchun Ishchi komissiya mas'ul hisoblanadi.

30<sup>13</sup>. G'olib deb topilgan loyihalarni amalga oshirish uchun yer va boshqa resurslar ajratilishi, shuningdek, tegishli soha inspeksiyalarning ekspertiza xulosalari talab etilgan hollarda, ushbu resurslarni ajratish bo'yicha qaror qabul qilish vakolatiga ega tashkilotlarga Manzilli ro'yxat tasdiqlangandan so'ng 1 ish kunida tuman hokimligi tomonidan so'rov yuboriladi.

30<sup>14</sup>. Xalq deputatlari tuman Kengashi tomonidan qaror va manzilli ro'yxat tasdiqlanganidan so'ng tuman moliya bo'limi tomonidan g'olib deb topilgan loyihalarni moliyalashtirish uchun buyurtmachi tashkilotlarga har bir loyiha uchun alohida Moliya vazirligi G'aznachiligida mablag'lar mansabi "Fuqarolar tashabbusi jamg'armasi" bo'lgan shaxsiy g'azna hisobvaraqlari ochiladi.

30<sup>15</sup>. Ochilgan shaxsiy g'azna hisobvaraqlariga 3 ish kuni ichida Jamg'arma hisobidan tuman hokimligi tomonidan g'olib deb topilgan loyihalar uchun Manzilli ro'yxatda nazarda tutilgan mablag'lar o'tkazib beriladi.

30<sup>16</sup>. Manzilli ro'yxatda nazarda tutilgan mablag'lar tegishli shaxsiy g'azna hisobvaraqlariga o'tkazib berilgandan so'ng buyurtmachi tashkilotlar 3 ish kunida tovar-moddiy boyliklar (ishlar va xizmatlar) xarid qilish uchun ta'mintochi korxonalarni aniqlash, qurilish-ta'mirlash bilan bog'liq tadbirlar bo'yicha loyiha-smeta hujjatlarini shakllantirish va loyihachi korxonalarni aniqlash bo'yicha davlat xaridlari elektron tizimiga e'lon joylashtiradi.

30<sup>17</sup>. Qurilish va ta'mirlash bilan bog'liq tadbirlar yuzasidan loyiha-smeta hujjatlariga ekspertiza xulosasi olingan kundan boshlab 1 ish kunida buyurtmachi tashkilotlar Manzilli ro'yxatda ko'rsatilgan xarid qilish tartib-taomili turi bo'yicha pudratchi korxonalarni aniqlash choralarini ko'radi.

30<sup>18</sup>. G'olib loyihalar amalga oshirish shakllariga ko'ra quyidagi turlarga bo'linadi:

- tovar-moddiy boyliklar (xizmatlar) xarid qilish bo'yicha tadbirlar;
- bino va inshootlarni joriy yoki kapital ta'mirlash (rekonstruksiya qilish) bo'yicha tadbirlar;
- bino va inshootlar qurish (barpo etish) bo'yicha tadbirlar.

**"2<sup>2</sup>-bob. Tovar-moddiy boyliklar (xizmatlar) xarid qilish bo'yicha tadbirlarni**

## **moliyalashtirish**

30<sup>19</sup>.Tovar-moddiy boyliklar (xizmatlar) xarid qilish bo'yicha tadbirlarni amalga oshirishda buyurtmachi tashkilot davlat xaridlari to'g'risidagi qonun hujjatlariga muvofiq moddiy qiymatliklar (xizmatlar)ni yetkazib beruvchi yoki pudratchilarni aniqlash:

- elektron do'kon orqali;
- boshlang'ich narxni pasaytirish uchun o'tkaziladigan auksion orqali;
- eng yaxshi takliflarni tanlash orqali;
- qonun hujjatlarida belgilangan tartibda to'g'ridan-to'g'ri shartnomalar tuzish orqali davlat xaridlarini amalga oshiradi.

30<sup>20</sup>.Tovar-moddiy boyliklar (xizmatlar) xarid qilish 30<sup>19</sup>-bandda keltirilgan xarid qilish tartib-taomili turi orqali tartib va muddatlarda amalga oshiriladi.

30<sup>21</sup>. Ajratilgan mablag'lar faqat Manzilli ro'yxatga ilova qilingan Reestrda nazarda tutilgan tovar-moddiy qiymatliklar (xizmatlar)ni xarid qilish uchun sarflanadi. Bunda reestrga kiritilgan tovar-moddiy boyliklar (xizmatlar) turi o'zgartirilishiga yoki soni oshirilishiga yo'l qo'yilmaydi.

30<sup>22</sup>. Xarid qilinishi nazarda tutilgan tovar-moddiy qiymatliklarni haqiqiy bozor narxni g'olib deb topilgan loyiha uchun nazarda tutilgan mablag'larortiq bo'lsa, ushbu holatda Reestrning jami summasiga aniqlik kiritilishi mumkun. Bunday hollarda yetishmagan mablag'lar Jamg'arma hisobidan ajratilishi uchun Manzilli ro'yxatga tegishli o'zgartirish kiritish yuzasidan xalq deputatlari tuman Kengashi qarori qabul qilinishi lozim.

30<sup>23</sup>.Xarid qilingan tovar-moddiy qiymatliklar burtmachi tashkilot balansiga kiim qilinadi va belgilangan tartibda buhgalteriya hisobotlarida aks ettiriladi.

30<sup>24</sup>. Buyurtmachi tashkilot xarid qilingan tovar-moddiy qiymatliklarni saqlab turish bilan bog'liq xarajatlarni moliyalashtirish yuzasidan kelgusi moliya yili uchun buyudet so'rovida tegishli mablag'lar ko'zda tutilishini ta'minlaydi.

30<sup>25</sup>.Umumfoydalanishda bo'lgan taiiy resurslar bilan ta'minlash vositalari (transformator, quvurlar, uzellar va boshqa taiiy resurslarni yetkazib

berishda qo‘llaniladigan vositalar)dan foydalanishda buyurtmachi tashkilot mazkur vositalarni o‘z balansiga kirim qiladi hamda tomonlar o‘rtasida kelishuv asosida tegishli ekspuatatsiya korxonalariga foydalanish uchun beradi.

### **2<sup>3</sup>-bob. Bino va inshootlarni joriy yoki kapital ta‘mirlash (rekonstruksiya qilish) bo‘yicha tadbirlarni amalga oshirish**

30<sup>26</sup>.Mavjud bino va inshootlarni joriy yoki kapital ta‘mirlash (keyingi o‘rinlarda – ta‘mirlash) bo‘yicha tadbirlar buyurtmachi tashkilot tomonidan “Davlat xaridlari to‘g‘risida”gi Qonunga muvofiq:

a)ta‘mirlash ishlarini amalga oshirish uchun Manzilli ro‘yxatda ko‘rsatilgan qo‘shimcha talab etiladigan hujjatlarni:

- elektron do‘kon orqali;
- eng yaxshi takliflarni tanlash orqali;
- yagona yetkazib beruvchilar bilan to‘g‘ridan-to‘g‘ri shaklda;

b) ta‘mirlash ishlarini amalga oshiruvchi pudratchi tashkilotlarni:

- eng yaxshi takliflarni tanlash orqali amalga oshiradi.

30<sup>27</sup>.Ta‘mirlash ishlarini amalga oshirish hamda tegishli hujjatlarni rasmiylashtirish uchun pudratchilarni aniqlash 30<sup>26</sup>-bandida keltirilgan usullardan biri orqali qonun hujjatlarida belgilangan tartib va muddatlarda amalga oshiriladi.

30<sup>28</sup>.Ajratilgan mablag‘lar faqat Manzilli ro‘yxatda nazarda tutilgan tadbirlarni amalga oshirish va ushbu tadbirlarni bajarish uchun qo‘shimcha talab etiladigan hujjatlarni rasmiylashtirish xarajatlariga sarflanishi mumkin. Bunda Manzilli ro‘yxatda ko‘rsatilgan ta‘mirlash ishlari hajmining oshirilishiga yo‘l qo‘yilmaydi.

30<sup>29</sup>.Ta‘mirlash ishlarining haqiqiy bozor narxi Manzilli ro‘yxatda nazarda tutilgan mablag‘dan ortiq bo‘lsa, ekspertizadan o‘tkazilgan loyiha-smeta hujjatlari hamda buyurtmachi korxonaning xulosasiga asosan loyihaning amalga oshirish yakuniy qiymatiga aniqlik kiritilishi mumkin. Bunday hollarda qo‘shimcha talab etiladigan mablag‘lar Jamg‘arma hisobidan ajratilishi uchun Manzilli ro‘yxatga tegishli o‘zgartirishlar kiritish yuzasidan



xalq deputatlari tuman Kengashi qarori qabul qilinishi lozim.

30<sup>30</sup>.Ta'mirlash ishlari uchun buyurtmachi etib, qoida tariqasida, balansda saqlovchi yoki budjet mablag'i taqsimlovchi belgilanadi. Agar loyihaning amalga oshirish qiymati bazaviy hisoblash miqdorining 1000 barobaridan ortiq bo'lsa (ichki yo'llarni ta'mirlash bundan mustasno), buyurtmachi etib Qoraqalpog'iston Respublikasi Vazirlar Kengashi, viloyatlar va Toshkent shahar hokimliklari huzuridagi "Yagona buyurtmachi xizmati" IK DUK buyurtmachi etib belgilanishi mumkin.

30<sup>31</sup>.Buyurtmachi korxonalar etib yagona buyurtmachi korxonalar belgilanganda ushbu korxonalar uchun tegishli tuman darajasida g'azna hisobvaraqlari ochilib, "Fuqarolar tashabbusi jamg'armasi"dan g'olib loyihani amalga oshirish uchun ko'zda tutilgan mablag'lar o'tkazilib beriladi.

30<sup>32</sup>.Ta'mirlash ishlarini amalga oshirish uchun yagona buyurtmachi korxonalar va balansda saqlovchi o'rtasida bitim imzolanadi. Bitimda loyihani amalga oshirish qiymati, amalga oshiriladigan ishlar, qabul qilib olib muddati va boshqa texnik ko'rsatkichlar aks ettiriladi.

30<sup>33</sup>.Yagona buyurtmachi korxonalar tomonidan loyihani amalni oshirish uchun qonun hujjatlarida belgilangan tartibda pudratchi korxonalar bilan shartnomalar rasmiylashtiriladi.

30<sup>34</sup>.Ta'mirlash ishlari yakunlangandan so'ng ta'mirlangan ob'ekt amalga oshirilgan ishlar yuzasidan tegishli hujjat va xulosalar bilan birga balansda saqlovchiga topshiriladi.

30<sup>35</sup>.Ta'mirlash ishlari sifatli va o'z vaqtida amalga oshirilishi uchun javobgarlik buyurtmachi tashkilot zimmasiga yuklatiladi.

## **2<sup>4</sup>-bob. Bino va inshootlar qurish (barpo etish) bilan bog'liq tadbirlar**

30<sup>36</sup>.Jamoatchilik ehtiyoji uchun fuqarolarni ijtimoiy qo'llab-quvvatlashga xizmat qiladigan ob'ektlar, shu jumladan, bino va inshootlarni qurishda (keyingi o'rinlarda – qurilish ishlari) buyurtmachi etib:

- qurilish ishlarining amalga oshirish qiymati bazaviy hisoblash miqdorining 1000 baravarigacha bo'lsa, balansda saqlovchi korxonalar tomonidan (keyinchalik ob'ektni qabul qilib olishda tegishli mutaxassislarni

yollagan holda ularning xulosasini olish sharti bilan);

- qurilish ishlarining amalga oshirish qiymati bazaviy hisoblash miqdorining 1000 baravaridan ortiq bo'lsa, yagona yetkazib beruvchi korxonalar belgilanadi.

30<sup>37</sup>. Balansda saqlovchilar buyurtmachi sifatida qurilish ishlarini amalga oshirishda:

a) qurilish ishlarini amalga oshirish uchun Manzilli ro'yxatda ko'rsatilgan qo'shimcha talab etiladigan hujjatlarni:

- elektron do'kon orqali;
- auksion orqali;
- eng yaxshi takliflarni tanlash orqali;
- yagona yetkazib beruvchilar bilan to'g'ridan to'g'ri shaklda;

b) qurilish ishlarini amalga oshiruvchi pudratchi tashkilotlarni:

- eng yaxshi takliflarni tanlash orqali;
- tender orqali aniqlagan holda amalga oshiradi.

30<sup>38</sup>. Ajratilgan mablag'lar faqat Manzilli ro'yxatda nazarda tutilgan qurilish ishlarini amalga oshirish va ushbu hujjatlarni rasmiylashtirish harajatlariga sarflanishi mumkin. Bunda Manzilli ro'yxatda ko'rsatilgan qurilish ishlari hajmi oshirilishiga yo'l qo'yilmaydi.

30<sup>39</sup>. Balansda saqlovchilar sifatida buyurtmachi belgilanib ishlar amalga oshirilganda qurilish ishlari yakunlariga ko'ra bajarilgan ishlar amalga oshirilganda qurilish ishlari yakunlariga ko'ra bajarilgan ishlarni belgilangan texnik mezonlarga muvofiqligi yuzasidan mutaxassislar jalb etilgan holda ob'ektlar qabul qilib olinishi va foydalanishga topshirilishi lozim.

30<sup>40</sup>. Qurilish ishlarining haqiqiy bozor narxi Manzilli ro'yxatda nazarda tutilgan mablag'dan ortiq bo'lsa, ekspertizadan o'tkazilgan loyiha-smeta hujjatlari hamda buyurtmachining xulosasiga asosan qurilish ishlarining yakuniy qiymatiga aniqlik kiritilishi mumkin. Bunday hollarda yetishmagan mablag'lar Jamg'arma hisobidan ajratilishi uchun Manzilli ro'yxatga tegishli o'zgartirishlar kiritish yuzasidan xalq deputatlari tuman Kengashi qarori qabul qilinishi lozim.

30<sup>41</sup>.Buyurtmachi korxonalar etib yagona buyurtmachi korxonalar belgilanganda ushbu korxonalar uchun tegishli tuman shahar darajasida maxsus g'azna hisovaraqlari ochilib, "Fuqarolar tashabbusi jamg'armasi"dan g'olib loyihani amalga oshirish uchun ko'zda tutilgan mablag'lar o'tkazib beriladi.

30<sup>42</sup>.Qurilish ishlarini amalga oshirish uchun yagona buyurtmachi korxonalar va balansda saqlovchi o'rtasida bitim imzolanadi. Bitimda loyihani amalga oshirish qiymati, amalga oshiriladigan ishlar, qabul qilib olish muddati va boshqa texnik ko'rsatkichlar aks ettiriladi.

30<sup>43</sup>.Yagona buyurtmachi korxonalar tomonidan loyihani amalga oshirish uchun qonun hujjatlarida belgilangan tartibda pudratchi korxonalar bilan shartnomalar rasmiylashtiriladi.

30<sup>44</sup>. Quriish ishlari yakunlangandan so'ng Yagona buyurtmachi korxonalar tomonidan yangi qurilgan ob'ektlar tegishli hujjat va foydalanishga loyiq ekanligi yuzasidan texnik xulosalar bilan birga balansda saqlovchiga topshiriladi.

30<sup>45</sup>. Qurilish ishlari sifatli va o'z vaqtida amalga oshirilishi uchun javobgarlik buyurtmachi tashkilot zimmasiga yuklatiladi.

## **2<sup>5</sup>- bob. Loyihalarni amalga oshirishda jamoatchilik nazoratining o'rnatilishi**

30<sup>46</sup>.Tuman hokimligi qoshida tashkil etilgan Ishchi komissiyasi tomonidan tashabbusli budjet jarayonlari ijrosi yuzasidan har chorak yakunlariga ko'ra hisobotlar hokimlikning rasmiy veb-sayti hamda Portal orqali jamoatchilikka e'lon qilib boriladi.

30<sup>47</sup>. G'olib deb topilgan loyihalarni amalga oshirishning barcha bosqichlari fuqarolar uchun ochiqligini va ular tomonidan jamoatchilik nazorati o'rnatilishini ta'minlash maqsadida Portalda "loyihalarni amalga oshirish xronologiyasi" yuritib boriladi.

30<sup>48</sup>.Ishchi komissiyasi loyihalarni amalga oshirish xronologiyasida tegishli ma'lumotlar belgilangan muddatlarda kiritilishiga va yangilab borilishiga mas'ul hisoblanadi.

30<sup>49</sup>.Loyihalarni amalga oshirish xronologiyasi quyidagi ma'lumotlarni o'z ichiga oladi:

- buyurtmachi tashkilot nomi;
- loyiha uchun ochilgan hisobvaraqa;
- loyiha uchun ajratilgan mablag‘ miqdori;
- loyiha-smeta va ekspertiza hujjatlari;
- “Davlat xaridlari to‘g‘risida”gi Qonunga muvofiq o‘tkazilgan tanlovlar;
- pudratchi korxonaga to‘g‘risida ma’lumotlar;
- amalga oshirilgan xarajatlar va rasmiylashtirilgan shartnomalar.

30<sup>50</sup>.G‘olib deb topilgan loyihalar mualliflari tomonidan tadbirlarni amalga oshirishning barcha bosqichlarini kuzatish hamda bajarilgan ishlarni real-vaqt ko‘rinishida baholab borish imkoniyatiga ega bo‘ladi. Bunda jamoatchilik nazorati doirasida fuqarolar tadbirlarni kuzatib borish orqali qonun buzilishi holatlari yoki kamchiliklar kuzatilganda shikoyat tarzida vakolatli organlarga yoki Portal orqali “onlayn murojaat” sahifasiga murojat qilishlari mumkin.

30<sup>51</sup>.G‘olib deb topilgan loyiha tashabbuskorlari tomonidan loyihani amalga oshirishda boshqa ko‘rinishdagi aralashuvlarga (pudratchi korxonani aniqlash yoki ishlarni ularning o‘zlari tomonidan amalga oshirish, loyiha-smeta hujjatlarini ishlab chiqish va ush kabilarga) yo‘l qo‘yilmaydi.

30<sup>52</sup>.Loyihalar amalga oshirilgandan so‘ng g‘olib deb topilgan loyihalar tashabbuskorlari tomonidan amalga oshirilgan ishlar Portalda “Jamoatchilik nazorati” bo‘limi orqali baholanadi va bajarilgan ishlar yuzasidan kamchiliklar kuzatilganda izohlar bildirish hamda foto yoki video materiallar ilova qilish imkoniyatini yaratiladi.

30<sup>53</sup>.Loyihalarni amalga oshirish davomida yoki ishlar yakunlangandan so‘ng bajariladigan ishlar natijalariga ko‘ra ortiqcha to‘lovlar yoki kamomad mablag‘lari tegishlilik bo‘yicha jamg‘armaga to‘liq qayta tiklanishi ta’minlanadi”;

4. 7 va 8-ilovalar bilan to‘ldirilsin.

Xalq deputatlari Termiz tuman Kengashining  
2022 yil 19 oktabrdagi  
VI-46-152-8-117-K/22-son qaroriga  
2-ilova

Tuman budjeti  
mablag'larini  
jamoatchilik fikri asosida  
shaklantirilgan tadbirlarga  
yo'naltirish tartibi  
to'g'risidagi nizomga 7-  
ilova

### Tashabbusli budjet jarayoni yakunlariga ko'ra g'olib bo'lgan loyihalarni amalga oshirish bo'yicha buyurtmachi tashkilotlari ro'yxati

T/R	Loyixaning qisqacha nomi	Balansga saqlovchi	Buyurtmachi korxonasi		
			Xarid tadbirlari	Ta'mirlash tadbirlari*	Qurilish tadbirlari*
1	Avtomobil va ichki yo'llarni (piyodalar yo'lakchasi, yo'l o'tkazgichlar) ta'mirlash bilan bog'liq tadbirlar	Tuman Obodonlashtirish boshqarmasi	X	Tuman Obodonlashtirish boshqarmasi	Tuman Obodonlashtirish boshqarmasi
		Umumfoydalanishdagi yo'llar	X	Mintaqaviy yo'llarni ta'mirlash jamg'armasi	Mintaqaviy yo'llarni ta'mirlash jamg'armasi
2	Maktabgacha ta'lim muassasalarini ta'mirlash va moddiy-texnika bazasini rivojlantirish tadbirlari	Tuman Maktabgacha ta'lim bo'limi	Tuman Maktabgacha ta'lim bo'limi	Tuman Maktabgacha ta'lim bo'limi/Yagona buyurtmachi korxonasi	Tuman Maktabgacha ta'lim bo'limi/Yagona buyurtmachi korxonasi
3	Ko'cha chiroqlarini o'rnatish yoki ta'mirlash (transformator, simyog'och o'rnatish) tadbirlari	Tuman Obodonlashtirish boshqarmasi	Tuman Obodonlashtirish boshqarmasi		Tuman Obodonlashtirish boshqarmasi
4	Umumta'lim maktablarini ta'mirlash va moddiy-texnika bazasini rivojlantirish tadbirlari	Tuman Xalq ta'limi bo'limi	Tuman Xalq ta'limi bo'limi	Tuman Xalq ta'limi bo'limi/Yagona buyurtmachi korxonasi	Tuman Xalq ta'limi bo'limi/Yagona buyurtmachi korxonasi

5	Bollalar maydonchalarini (o'yingohlarini) barpo etish yoki ta'mirlash bilan bog'liq tadbirlar	Mahalla fuqarolar yig'ini	Mahalla fuqarolar yig'ini	Mahalla fuqarolar yig'ini	Mahalla fuqarolar yig'ini/Yagona buyurtmachi korxonasi
		Ko'p qavatli uylarga xizmat ko'rsatish shirkatlari	Tuman Hokimligi	Tuman Hokimligi	Tuman Hokimligi/Yagona buyurtmachi korxonasi
6	Ko'p qavatli uylarni ta'mirlash tadbirlari	Ko'p qavatli uylarga xizmat ko'rsatish shirkatlari	X	Tuman Hokimligi	Tuman Hokimligi/Yagona buyurtmachi korxonasi
7	Sport muassasalari yoki sog'lomlashtirish markazlarini ta'mirlash va moddiy-texnika bazasini rivojlantirish	Barcha hollarda	Tuman Sportni rivojlantirish bo'limi	Tuman Sportni rivojlantirish bo'limi	Tuman Sportni rivojlantirish bo'limi
8	Sog'liqni saqlash muassasalarini ta'mirlash va moddiy-texnika bazasini rivojlantirish tadbirlari	Tuman Tibbiyot birlashmasi	Tuman Tibbiyot birlashmasi	Tuman Tibbiyot birlashmasi/Yagona buyurtmachi korxonasi	Tuman Tibbiyot birlashmasi/Yagona buyurtmachi korxonasi
9	Mahalla guzari (mahallada umumfoydalanishda bo'lgan boshqa ob'ektlar) ni ta'mirlash-tiklash bilan bog'liq xarajatlar	Tuman Mahalla va nuroniylarni qo'llab-quvvatlash bo'limi	Tuman Mahalla va nuroniylarni qo'llab-quvvatlash bo'limi	Tuman Mahalla va nuroniylarni qo'llab-quvvatlash bo'limi/Yagona buyurtmachi korxonasi	Tuman Mahalla va nuroniylarni qo'llab-quvvatlash bo'limi/Yagona buyurtmachi korxonasi
10	Drenaj va ariq (zovur)larni tartibga keltirish bilan bog'liq tadbirlar	Tuman Irrigatsiya bo'limi	Tuman Irrigatsiya bo'limi	Tuman Irrigatsiya bo'limi	Tuman Irrigatsiya bo'limi
11	Obodonlashtirish va ko'kalamzorlashtirish (tuman yoki shahar qiyofasini o'zgartirish) bilan bog'liq tadbirlar	Tuman Obodonlashtirish boshqarmasi	Tuman Obodonlashtirish boshqarmasi	Tuman Obodonlashtirish boshqarmasi	Tuman Obodonlashtirish boshqarmasi
12	Qabristonlarni tartibga keltirish tadbirlari	Tuman Obodonlashtirish boshqarmasi	Tuman Obodonlashtirish boshqarmasi	Tuman Obodonlashtirish boshqarmasi	Tuman Obodonlashtirish boshqarmasi
13	Aholi dam olish maskanlarini ta'mirlash yoki moddiy texnik bazasini rivojlantirish bilan bog'liq tadbirlar	Barcha hollarda	Tuman Madaniyat bo'limi	Tuman Madaniyat bo'limi/Yagona buyurtmachi korxonasi	Tuman Madaniyat bo'limi/Yagona buyurtmachi korxonasi
14	Tabiiy gaz ta'minoti bilan bog'liq loyihalar	Tuman Gaz ta'minoti	X	Tuman Hokimligi	Tuman Hokimligi
15	Elektr ta'minoti, traesformator o'rnatish va ta'mirlash tadyuirlari	Xududiy elektr tarmoqlari korxonasi	Tuman Hokimligi	Tuman Hokimligi	Tuman Hokimligi
16	Ichimlik suvi va oqava tizimini yaxshilash bilan bog'liq tadbirlar	Suv ta'minoti korxonasi	X	Tuman Hokimligi	Tuman Hokimligi
17	Musiq va maktabdan tashqari tashkilotlarni ta'mirlash va moddiy-texnika bazasini rivojlantirish tadbirlari	Tuman 9-sonli musiqa va san'at maktabi	Tuman 9-sonli musiqa va san'at maktabi	Tuman 9-sonli musiqa va san'at maktabi	Tuman 9-sonli musiqa va san'at maktabi
18	Boshqa ta'lim muassasalarini ta'mirlash va moddiy-texnika bazasini rivojlantirish tadbirlari	Budjet mablag'larni taqsimlovchi	Budjet mablag'larni taqsimlovchi	Budjet mablag'larni taqsimlovchi/Yagona buyurtmachi korxonasi	Budjet mablag'larni taqsimlovchi/Yagona buyurtmachi korxonasi
19	Oliy o'quv yurtlarini ta'mirlash va moddiy-texnika bazasini rivojlantirish tadbirlari	Oliy o'quv yurti	Oliy o'quv yurti	Oliy o'quv yurti/Yagona buyurtmachi korxonasi	Oliy o'quv yurti/Yagona buyurtmachi korxonasi
20	Boshqalar	X	Tuman Hokimligi	Tuman Hokimligi	Tuman Hokimligi

*Izoh: Ushbu ro'yxatga ko'rsatib o'tilmagan loyixalarni amalga oshirish bo'yicha buyurtmachilarni belgilash xalq*

*deputatlarni tuman Kengashi tomonidan amalga oshiriladi.*

Xalq deputatlari Termiz tuman Kengashining  
2022 yil 19 oktabrdagi  
VI-46-152-8-117-K/22-son qaroriga  
3-ilova

Tuman budjeti  
mablag'larini  
jamoatchilik fikri asosida  
shaklantirilgan tadbirlarga  
yo'naltirish tartibi  
to'g'risidagi nizomga 8-  
ilova

**Termiz tuman bo'yicha o'tkazilgan tashabbusli byudjet jarayoni yakunilariga ko'ra g'olib bo'lgan ID \_\_\_\_\_  
loyihani amalga oshirish bo'yicha xarid qilinadigan tovar (xizmatlar) Reestri**

T/R	Tovar (xizmatlar)	Soni	Bozor narxi	Summasi
1				
2				
3				
4				
5				
...				
<b>Loyixani amalga oshirish jami qiymati*</b>				

*\*Manzilli ro'yxatda nazarda tutilgan mablag'dan ortib ketishi mumkin emas.*